

Euskal Herriaren autodeterminazioaz ikuspegi politiko ezberdinak

PSE-EE, HB, EA, EUE, PP eta Zutik autodeterminazioaz aritu ziren unibertsitatean


PSE-EE, HB, EA, EUE, PP eta Zutik-eko kideek autodeterminazioari buruz eztabaidatu zuten atzo Donostiako Zuzenbide Fakultateko paraninfoan. Ordezkarri abertzaleek Euskal Herriari eskubide hori ezagutzea eskatu zuten bitartean, PSE-EEK eta PPK egungo marko juridikoaren aldeko apustua berretsi zuten.

JON ESKISABEL/DONOSTIA

Ikasle Kontseiluak luzatutako gonbidapenari erantzunez, Ignacio Latierrok (PSE-EE), Begoña Garmendiak (HB), Rafael Larreinak (EA), Xabier Gurrutxagak (EUE), Gregorio Ordoñezek (PP) eta Jose Luis Iriarte 'Bikila-k' (Zutik) autodeterminazioaren gaineko mahaingurua eskaini zuten atzo goizean EHUKo Ibaetako Kanpusean. Eztabaidak agerian utzi zituen nazioarteko eskubide "honetaz alderdi abertzaleek eta estatalistek dituzten interpretazio ezberdinak.

HB, EA, EUE eta Zutik NBEK ematen duen autodeterminazioaren definizioa —herri bati bere buruaren jabe izateko dagoen eskubidea—, Euskal Herriari auzi juridikoan ezagutzearen alde agertu ziren, eta kritikatu zuten Espainiako batasuna indarrez defenditzeko Armadari ahalmena ematen dion Konstituzioaren artikulua.

Larreinak azaldu zuenez, autodeterminazioa ukatzea «herriarren borondatea ez errespetatzea da, herritarrei nahi duten etorkizuna aukeratzeko ahalme-



Zuzenbide Fakultateko paraninfoan egin zen alderdi politikoen arteko mahaingurua.

ANDER GILLENEA

✓ **Gurrutxaga:** «Autodeterminazioa Nafarroa eta Iparralde kontuan hartu gabe gauzatu beharko balitz EUEk bi aldiz pentsatuko luke».

na ukatzea, eta hori desestabilizatzailea da». Euskal Herriak bere nortasunari eusteko eskubide «baliagarri eta beharrezkotzat» jo zuen autodeterminazioa.

Horren alde aurrera egiteko alderdien arteko «akordio minimoak» behar direla esan zuen Garmendiak, —borroka armatua oztupo dela ihardetsi zioten EAK eta EUEk— eta «zentzugabe» iritzi zion autogobernuaz mintzatzeari, «boterea Estatuak baitu».

Autodeterminazioa Nafarroa eta Iparralde kontuan hartu gabe

gauzatu beharko balitz EUEk «bi aldiz» pentsatuko lukeela esan zuen Xabier Gurrutxagak. Une honetan, EUEren ustez, autodeterminazioak ez du bere atzean «bloke sozial sendorik».

Euskal Herriari nazio gisa dagoen eskubidea aldarrikatu zuen Bikilak, baina Espainia eta Frantziako estatuak desagertuz gero, berak Euskal Herriko estatuaren desagertzea ere defendituko lukeela azaldu zuen.

Autodeterminismoaren aurrean, politika autonomistaren

defentsa egin zuen Latierro sozialistak. Autodeterminazioa planteatzeak herriaren «zatiak» bultzatzen duen bitartean, bide estatutarioak «gizartearen pluraltasunaren kohesioa» ahalbidezen duela adierazi zuen. Autodeterminazioa «pluraltasunarekiko errespetoa bermatzen duen eskubide bakarra» dela erantzun zion Larreinak.

«Gizabanako bakoitzak bere burua autodeterminatzeko duen ahalmen» gisa definitu zuen Gregorio Ordoñezek autodeterminazioa. Bere iritziz, estatu berriaren sorrera «ez dator bat Europako haizeekin», eta Lituania eta hemengo kasuak ezin dira parekatu, «Euskadi ez baita inoiz estatu izan».

«ETAren arazoa» urtebeteren buruan konponduko dela uste du Arzalluzek

LONDRES

Xabier Arzalluz EAJko lehendakariak Londresen adierazi duenez, «ETAren arazoa» laster konponduko da. «Ez dut uste urtebete baino gehiago iraungo duenik» dio Arzalluzek 'The Independent' egunkariak atzo kaleratutako elkarrizketan. Londresko egunkari horrek Euskal Herriari buruzko gehigarri berezia eman zuen argitara.

ETAren kontrako operazio polizialak eta erreakzio soziala aipatzen ditu Arzalluzek ETA laster amaituko dela iragartzeko. Bere ustez, Julio Iglesias Zamora ingeniariaren bahiketak eta Joseba Goikoetxea Ertzaintzako sarjentuaren hilketak erreakzio

handia sortu dute eta defentsa jarrerari utzi dute ETA.

EAJ irtenbide bat negoziatzearen aldekoa dela dio Xabier Arzalluzek aipatu elkarrizketan, «baina muga zorrotz batzuen barruan». «Beti pentsatu izan dugu» jarraitzen du, «elkarrizketaren dela modurik onena eta zibilizatuena. Baina alderdi guztiek onartu dute elkarrizketa horrek ez duela halabarhar negoziazio politikoa ekarri behar, ez behintzat indarkeria amaitzearen truke».

Espainiako Gobernuak transferitzeko dituen eskumenen arazoa ere aipatzen du 'The Independent' egunkariak. Arzalluzek horri buruz dio, «Estatu nazionalen desagertzearekin»

Madrilekiko arazoak leuntzea espero duela.

KEPA AULESTIAREN LIBURUA

ETAk borroka armatuaren bidez Euskal Herri independentea lortuko balu ere, «hiltzen jarraituko luke» Kepa Aulestia EUEko buruzagiaren ustez.

'Días de viento sur' ('Hegoaize egunak') indarkeriari buruzko liburua aurkeztu zuen atzo Bartzelonan Aulestiak, eta aurkezpenean horretan adierazi zuenez, ETAren estrategia ez da «egoera historiko zehatz baten ondorio» izan, pertsona talde baten erabakia baizik. «Elur bola bat osatu zuten lehenik eta elur-jausi bihurtu zen gero» esan zuen.



Xabier Arzalluz.

GILLENEA

ETako militanteek buruz, «eskizofrenikoak» direla, baina bizitza pribatuan «atseginak eta zoragarriak ere» agertzen direla esan zuen. Beren egoa, berriz, indarkeria gustoko duen pistola-riarena duela uste du.

KASek Argala omenduko du aste honetan Arrigorriagan

BILBO

Koordinadora Abertzale Sozialistak Jose Miguel Beñaran Ordeñana 'Argala' omenduko du asteburu honetan bere jaioterrian, Arrigorriagan. Astelehenetan beteko da ETako buruzagiaren hilketaren hamabosgarren urteurrena.

Ostiral arratsaldean Gorka Martinezek hitzaldi bat emango du udaletxeke behealdean. Larunbat goizean ekitaldi politiko bat izango da saskibaloi zelai zaharretan. Hamabi t'erdietan hasita, KASeko elelduna den Maitane Intxaurre eta Eva Forest idazlea mintzatuko dira Argala herrian ezagutu zuten lagun batzuekin batera. Halaber, larunbatean zehar Euskal Herriaren bilakaera politikoa azalduko duen erakusteka bat ikusgai izango da.

Prensa agiri batez KASek Argalaren hilketa eta Espainiako Konstituzioari erreferendumean emandako ezetza lotu ditu. «Botere espainiarrak ezin onar zezakeen frankismoaren aurkako borroka —hor dago Carrero Blancoren exekuzioa— egoera sasi-demokratikoa garatutako borroka berarekin lotzen zuten militateen iraupen fisikoak» nabarmendu zuen Koordinadora Abertzale Sozialistak.

Arotzareneri bi urte t'erdiko kartzela zigorra ezarri diote

H. GOROSTIAGA / BAIONA

Daniel Arotzareneri bi urte t'erdiko kartzela zigor fermua eta beste bi urteko egoitza debekua ezarri dio Pariseko epaitegiak. Arotzarene 1992ko uztailean 21ean atxilotu zuten Miarritzen, EMAREN 'Promotorea = Ohoia' kanpainako pintadak eta collage-ak egiten ari zela. EMAREN kanpaina hori Filipe Larrea 190.000 libera ordaintzera behartu zutelarik sortu zen, honek Basusarriko Golfeko hainbat material hautsi zituelakoan.

Arotzarene atxilotu eta bere etxebizitza bitan miatu zuten. Bertan bere agenda atzeman zuten, eta haren kontrako frogak gisa erabili du Bruiguere epaileak.